

Headline	Ada tiang elektrik tapi masih bergelap		
MediaTitle	Utusan Malaysia		
Date	20 Jan 2024	Language	Malay
Circulation	107,609	Readership	322,827
Section	Dlm Negeri	Page No	35
ArticleSize	383 cm <sup>2</sup>	Journalist	AIMUNITUAN LAH
PR Value	RM 46,986		



# Ada tiang elektrik tapi masih bergelap

Oleh AIMUNI TUAN LAH  
 utusannews@mediamulia.com.my

**GUA MUSANG:** Sembilan keluarga dari Kampung Sungai Bayu Dalam di sini mendakwa terpaksa bergantung kepada tenaga solar dan jana kuasa untuk mendapat bekalan elektrik sejak 14 tahun lalu.

Dakwa mereka, walaupun tiang elektrik sudah dipasang namun kemudahan itu masih belum dapat dinikmati.

Seorang penduduk, Che Adam Che Kob, 67, berkata, setiap bulan dia terpaksa mengeluarkan belanja antara RM600 hingga

RM900 untuk petrol bagi menghidupkan jana kuasa.

“Kami tinggal di sini dan membuka kebun pada 2010. Ketika itu, kami menjadikan pelita ayam untuk menerangi waktu malam sebelum beralih kepada jana kuasa atau lampu solar bermula 6 petang hingga 6 pagi.

“Kawasan rumah kami sangat berisiko dengan ancaman hawaian liar seperti babi hutan dan gajah. Jadi, kami berharap pihak berkenaan dapat mengambil tindakan segera,” katanya.

Seorang lagi penduduk, Khairudin Che Ibrahim, 41, berharap Tenaga Nasional Berhad (TNB)

dapat membekalkan segera elektrik ke kawasan tersebut.

Katanya, hal demikian ini kerana dia sudah mengemukakan banyak permohonan kepada TNB untuk penyambungan elektrik.

“Setiap kali hujan atau cuaca mendung lampu solar tidak dapat cas, sekali gus kami terpaksa bergelap pada waktu malam,” ujarnya.

Sementara itu, Ahli Parlimen Gua Musang, Mohd. Azizi Abu Naim memberitahu, beliau akan merujuk perkara tersebut kepada pihak berkaitan bagi menyelesaikannya.



**RAPIAH Ismail menunjukkan lampu solar yang digunakan bagi menerangi rumah penduduk Kampung Sungai Bayu Dalam, Gua Musang, Kelantan. – UTUSAN/AIMUNI TUAN LAH**